


TARBIYACHI KITOBI



Nasiba Erxonova
Zuhra Ro'ziyeva

Nasiba ERXONOVA, Zuhra RO'ZIYEVA

TARBIYACHI KITOBI

SAVOD O'RGATISH

**ZAMIN NASHR
Toshkent - 2021**

UO'K 373.21

KBK 74.100

E 73

Mazkur **"Tarbiyachi kitobi Savod o'rgatish"** kitobi O'zbekiston Respublikasining ilk va maktabgacha yoshdagi bolalarning rivojlanishiga qo'yiladigan Davlat talabları va "Ilk qadam" maktabgacha ta'lif tashkilotining Davlat o'quv dasturi asosida tayyorlandi.

Hurmatli kitobxon, aziz tarbiyachilar, mudiralar, metodistlar, maktabgacha ta'lif tizimining fidoyilar!

Savodli bo'lish bilimlar kalitiga ega bo'lish deganidir. Til va savodning rivojlanishi ona tilida ifodalash qobiliyatiga asoslanadi. "Nutq, o'qish va savodga tayyorgarlik" yo'nali shining asosi – so'zlashuv nutqini tinglash va tushunish, kitob o'qishga qiziqish uyg'otish, yozish malakalarini rivojlantirishdir. Nutq, o'qish va savodga tayyorlash yo'nali shi quyida- gi talablardan iborat bo'lgan ikkita kichik sohani o'z ichiga oladi:

1. Nutq sohasida bola so'zlashuv tiliga zarur darajada ta'sirlanishi, atrofdagilar bilan muloqotga kirisha olishi, nutqni tinglay olishi va tushuna bilishi, so'ng gapirib, so'zlasha olishi maqsad qilib olinadi.

2. O'qish va savodga tayyorgarlik sohasida bolaning bosma materiallar va yozuv belgi- lari hamda harflarga bo'lgan qiziqishlarini rivojlantirish ko'zda tutiladi.

Mazkur vazifalar qo'llanmada amaliy jarayonlarda qanday olib borilishi aks etgan bo'lib, tarbiyachilarning kundalik mavzuli rejalashtirishiga mos ravishda mavzular ketma ketligiga ko'ra yaratilgan.

Shuningdek, qo'llanmada ta'limiyo-didaktik o'yinlarning berilishi amaliyotchi-pedagoqlarga ta'limiyo faoliyatni innovatsion texnologiyalarni qo'llagan holda qiziqarli va sa- marali olib bolrish imkonini beradi.

Taqrizchilar:

Kamola Risqulova, Maktabgacha ta'lif vazirining davlat tili masalalari bo'yicha maslahatchisi

Dilafruz Maxmudova, Maktabgacha ta'lif vazirligi Ta'lif jarayoni sifatini ta'min- lash va innovatsion pedagogik texnologiyalarni joriy etish boshqarmasi boshlig'ining o'rinnbosari

Mavluda Rustamova, Maktabgacha ta'lif tashkilotlari direktor va mutaxassislarini qayta tayyorlash va malakasini oshirish instituti katta o'qituvchisi

Shoista Sodiqova, Nizomiy nomidagi Toshkent davlat pedagogika universiteti Maktab- gacha ta'lif fakulteti dotsenti

Zamira Rasulova, Namangan viloyat XTXQTMO hududiy markazi katta o'qituvchisi

ISBN 978-9943-6891-2-1



N.Erxonova, Z.Ro'ziyeva.



"Zamin nashr" nashriyoti, 2021

GAP VA NUTQ HAQIDA

ILK TUSHUNCHALAR

Ta'limiy faoliyatning maqsadlari:

Ta'limiy: tarbiyalanuvchilarga so'z, gap haqida misollar yordamida ma'lumot berish, ularda qisqa hikoya tuzish orqali bolalarda gap tuzish ko'nikmasini rivojlantirish;

Tarbiyaviy: bolalarda jamoa bo'lib ishlash, ma'noli so'zlash xususiyatlarini rivojlantirish;

Rivojlantiruvchi: bolaning lug'at boyligini oshirish, ijodkorlik, tasavvur qilish qobiliyatini shakllantirish.

Kerakli jihozlar: AKT, kartochkalar, suratlar.

Ta'limiy faoliyatning borishi:

Tarbiyachi: – Assalomu alaykum, mening qadrdon tarbiyalanuvchilarim. Qani, kim aytadi, biz yaqinda qanday bayramni nishonladik?

1-bola: – Biz mustaqillik bayramini nishonladik.

Tarbiyachi: – Bu bizning eng ulug', eng aziz bayramlarimizdan biri va u mamlakatimizda keng nishonlandi. Respublikamizning barcha viloyatlarida bu kun o'zgacha shukuh bilan tantana qilindi. Endi e'tiboringizni slaydga qarating va unda nima tasvirlanganini aytib bering.

(*Slaydda 12 ta viloyatdagi bayram tadbirdari tasviri ko'rsatiladi.*)

2-bola: – Samarqandning Registon maydonida bayram tadbirdi bo'libdi. Unda hamma xursandligi rasmdan ko'rinish turibdi.

3-bola: – Poytaxtimizning Mustaqillik maydonida ham odamlar ko'p, ular bayramni nishonlashyapti. Bolalar xursand yurishibdi.

(*Bolalar shu tariqa barcha viloyatlardagi bayramlarni qisqacha gapirib beradilar.*)

Tarbiyachi: – Barakalla, bolajonlar, sizlar hozir slayddagi suratlar yordamida ko'rganlariningizni tasvirlab berdingiz. Bu tasvirlaringiz qisqacha gap deb ataladi. Gap esa o'z o'rnida so'zlardan tashkil topadi. Masalan, qo'limda olma turibdi. U bitta so'z, mevani anglatadi. Agar "Men olma yedim" desam, bu gapga aylanadi. Qo'limga o'yinchoq oldim, o'yinchoq – bitta so'zdan iborat, agar "O'yinchoqni oldim" desam, u gapga aylanadi. Sizlar ham atrofingizni kuzatib, predmetlari nomini aytинг.

(Bolalar qalam, javon, stul, o 'yinchoq, daftar, kitob, mashina, koptok, qo 'g 'ir-choq, gilam, idish-tovoqlar, kubiklar, deraza, eshik, kompyuter, stol, qaychi, rangli qog 'oz, karavot, yostiq kabi buyumlar nomlarini aytadilar.)

Tarbiyachi: – Endi shu so'zlar ishtirokida gap tuzamiz. Masalan, qalam so'ziga qanday gap tuzish mumkin?

4-bola: – Men qalamni oldim.

5-bola: – Javonda kitoblar turibdi.

6-bola: – Biz stulda o'tiribmiz.

7-bola: – Guruhimizda o'yinchoqlar ko'p.

8-bola: – Xonamizda koptoklar ko'p.

9-bola: – Derazamiz oq rangga bo'yalgan.

Tarbiyachi: – Barakalla, bolajonlar, siz hozir so'zlardan tarkib topgan fikr tugallangan gaplar tuzdingiz. Tugallangan ma'noli gaplar oxiriga nuqta belgisi qo'yiladi. Siz ham daftaringizni oling va unda men ko'rsatgandek nuqta belgisi ni qo'yib chiqing.

(Bolalar ish daftariga nuqta belgisini qo'yadilar.)

Tarbiyachi: – Bolajonlar, sizlar menga suratlар asosida gaplar aytdinglar. Ana shu gaplar assosida matnlar tuziladi va u nutqqa aylanadi. Kelinglar, hozir sizlar bilan gap haqidagi o'rganganlarimizni mustahkamlash uchun o'yin o'ynaymiz. Men birorta so'z aytaman, sizlar uning davomini aytishingiz kerak.

Kuz ... (keldi)

Barglar ... (sarg 'aydi)

Havo ... (sovudi)

Paxta ... (ochildi)

Bolalar ... (maktabga chiqdi)

Hosil bayrami ... (o'tkazildi)

Mevalar ... (pishdi)

Poliz ekinlari ... (yig 'ib olinyapti)

Tarbiyachi: – Bolajonlar, biz hozir kuzni ifodalovchi turli gaplar tuzdik. Bu gaplarning yig'indisi matn deyiladi. Hozir men sizga rasmlar beraman, sizlar rasm asosida gaplar tuzasiz, so'ng shu gaplardan birlgilikda matn hosil qilamiz.

(Tarbiyachi bolalarga kuzga oid surat ko'rsatadi. Suratda kuz manzarasi, osmonda bulut, bolalar maktabga ketayotgani, paxtakorlar paxta terayotgani, barglar sarg 'ayib to'kilayotgani tasvirlangan, bolalar surat asosida gaplar tu zadilar.)

Tarbiyachi: – Endi esa sizlar bilan dam olish daqiqasi o‘tkazamiz.

(*Tarbiyachi she’r mazmuniga mos ravishda harakatlar qilib turadi, bolalar uning harakatlarini takrorlashadi.*)

Paxta lo‘p-lo‘p ochildi,

Har tomonga sochildi,

Chigitlari mayda-mayda,

Terib olay tezda-tezda.

Tarbiyachi: – Endi men kichik matn o‘qib beraman, sizlar esa matndan tu-shunganlaringizni qayta hikoya qilib berasizlar.

KAMALAK

Bahor fasli. Osmanni qora bulut qoplagan. Bir payt bulutlardan tomchilar yog‘a boshladи. Tomchilar kattalashib, yomg‘ir tezlashdi va jala quya boshladи. Birozdan so‘ng yomg‘ir tindi. Bulutlar orasidan quyosh mo‘raladi. Osmonning bir chekkasidan yer bilan tutashgan kamalak jilvalanib ko‘rina boshladи. Kamalakning yetti xil rangi ajoyib tovlandi.

Tarbiyachi: – Bolajonlar, matndan nimani tushundingiz?

Kamalakning ranglarini aytib bering.

(*Bolalarning javoblari tinglanadi.*)

SO'Z BILAN TANISHISH, SO'Z QISMLARI HAQIDA MA'LUMOT BERISH

Ta'limiy faoliyatning maqsadlari:

Ta'limiy: tarbiyalanuvchilarga predmetlarning nomi so‘zlarda ifodalanishini, so‘zlar yozma shaklda harf bilan belgilanishini tushuntirish, so‘zlarni bo‘g‘inga ajratishni o‘rgatish, bolalarning gap haqidagi tasavvurlarini kengaytirish;

Tarbiyaviy: tarbiyalanuvchilarda hamandardlik tuyg‘usini shakllantirish;

Rivojlantiruvchi: bolalarning lug‘at boyligini oshirish, ularda tasavvur qilish qobiliyatini rivojlantirish.

Kerakli jihozlar: AKT, fasllar haqida suratlar, bo‘g‘inli kartochkalar.

Ta'limiy faoliyatning borishi:

Tarbiyachi: – Assalomu alaykum, mening sevimli tarbiyalanuvchilarim. Qani, kim aytadi, gap nimadan tashkil topadi?

1-bola: – Gap so‘zlardan tashkil topib, tugallangan fikrni bildiradi.

Tarbiyachi: – Juda to‘g‘ri. Bolajonlar, aytinlar-chi, hozir qaysi fasl?

Bolalar: – Kuz fasli.

Tarbiyachi: – Bir yilda nechta fasl bor?

Bolalar: – To‘rtta fasl bor: yoz, kuz, qish, bahor.

Tarbiyachi: – Bolalar, o‘lkamizga bahor keldi. Bu gap nechta so‘zdan iborat?

2-bola: – Bu gap uchta so‘zdan iborat. O‘lkamizga – birinchi, bahor – ikkinchi, keldi – uchinchi so‘z.

Tarbiyachi: – Barakalla, endi esa bahordagi o‘zgarishlar haqida kim aytib beradi?

3-bola: – Bahorda qushlar uchib keladi.

4-bola: – Bahorda ko‘p yomg‘ir yog‘adi.

5-bola: – Bahorda daraxtlar barg chiqara boshlaydi.

Tarbiyachi: – Xo‘sish, bolajonlar, bahorni erkabal nima deyishimiz mumkin?

6-bola: – Fasllar kelinchagi, yashillik elchisi, go‘zal fasl.

Tarbiyachi: – Qoyil, endi sizlar bilan bo‘g‘inlar haqida gaplashamiz. So‘zlar bir bo‘g‘inli va ko‘p bo‘g‘inli bo‘ladi. Masalan, non. Bu so‘z bir bo‘g‘inli

(non so'zi yozilgan kartochka ko'rsatiladi), o-na (ona so'zi yozilgan kartochka ko'rsatiladi), bu so'z ikki bo'g'inli. Bo-la-lar – bu so'z uch bo'g'inli hisoblana-di. Shuni unutmangki, har bir bo'g'inda bittadan unli bo'lishi shart. Endi men so'zlarni aytaman, sizlar esa qarsak chalishimga moslab ularni bo'g'inlarga ajrasizsizlar.

Ol-ma, bo-bo, bo-la, bu-vi, xo-la, am-ma, lo-la, xo-na.

Tarbiyachi: – Biz hozir ikki bo'g'inli so'zlarni ajratdik, endi esa bir bo'g'inli so'zlarga misollarni suratda ko'rsataman, sizlar uning nomini va qaysi harfi unli ekanligini aytasiz.

Bol – o harfi unli; non – o harfi unli; tun – u harfi unli; uch – u harfi unli; bir – i harfi unli; tol – o harfi unli; lab – a harfi unli; ko'z – o' harfi unli; tut – u harfi unli; qosh – o harfi unli.

Tarbiyachi: – Bolajonlar, endi sizlar bilan dam olish daqiqasi o'tkazamiz. Mening harakatlarimga qarab barmoqlaringizni mashq qildirib olasiz.

Ko'p yozadi qo'llarimiz,
Ham charchab ko'zlarimiz.
Bir, ikki, uch,
To'plab oldik kuch.
Yana yozamiz, yana,
Harflarimiz ko'p sara.

Tarbiyachi: – Bolajonlar, endi slayddagi suratga qaranglar, unda kim tasvirlangan?

Bolalar: – Suratda bobo tasvirlangan.

Tarbiyachi: – Bobo so'zi nechta harfdan iborat?

Bolalar: – Bobo so'zi 4 ta harfdan iborat.

Tarbiyachi: – Bu so'zdagi unli harflar qaysilar?

Bolalar: – Bu so'zdagi unli harflar ikkita va u o harfi.

Tarbiyachi: – Bobo so'zini bo'g'inlarga ajrating.

Bolalar: – Bo-bo.

Tarbiyachi: – Yana qaysi so'z xuddi shunga o'xshaydi?

Bolalar: Bo-la, bu-vi, mo-mo, ha-vo.

Tarbiyachi: – Bolalar, bobo so'zida o harfi so'zning qaysi o'rinalarda kel-yapti?

Bolalar: – Bobo so'zida o harfi ikkinchi va to'rtinchi harf bo'lib kelyapti. Bo-la so'zida esa ikkinchi harf bo'lib kelyapti.

Tarbiyachi: – Juda to‘g‘ri, endi buvi so‘zi ishtirokida uchta gap tuzing.

Bolalar: – Biz buvimizni yaxshi ko‘ramiz.

Buvim ertak aytib berdilar.

Buvimning ko‘zoynagi bor.

Tarbiyachi: – Bolajonlar, bo‘g‘inlar ochiq va yopiq bo‘ladi. Masalan, ol-ma so‘zidagi birinchi bo‘g‘in yopiq, ikkinchi bo‘g‘in esa ochiq. Chunki ikkinchi bo‘g‘in oxiri unli harf bilan tugayapti. Endi yopiq bo‘g‘inli so‘zga misol aytamiz:

an-jir, at-las, ka-ram, ba-nan, ho-vuz, tar-vuz, kap-kir, daf-tar, qa-lam.

Tarbiyachi: – Bolajonlar, endi esa guruhimizda qizlar bitta guruhga, yigitlar ikkinchi guruhga ajralamiz. Ikkita savatda turli buyumlar qo‘yilgan, qizlar buvijonimizga tegishli buyumlarni ajratasizlar, yigitlar esa bobolarimizga kerakli narsalarni ajratadilar.

(Bolalar buvi va boboga tegishli buyumlarni ajratadilar.)

Tarbiyachi: – Bolalar, qani, buvijonimizga kerakli buyumlar nimalar ekan, ularning nomini aytинг va nima uchun foydalanilishini tushuntirib bering.

1-qiz: – Angishvona, u tikayotganda qo‘lga igna kirib ketmasligi uchun ishlatiladi.

2-qiz: – Qo‘limdagи bu narsa ko‘zoynak, buvilarimiz ko‘zлari xira ko‘rgani uchun ko‘zoynak taqadilar.

3-qiz: – Bu ro‘mol, buvijonlarimiz, odatda, ro‘mol o‘rab oladilar.

4-qiz: – Bu ro‘molcha, buvilarimizning yonlarida har doim ro‘molcha bo‘ladi.

Tarbiyachi: – Barakalla, qani, endi yigitlar, bobolar savatidan nimalar topdingiz va ular nima uchun ishlatiladi?

1-bola: – Taroq topdik, taroqdan sochlarni tarab, tartibga keltirish uchun foydalanamiz.

2-bola: – Qo‘l soati. Bobomiz qo‘l soatini taqib, vaqtini bilib turadilar.

3-bola: – Bu tok qaychi, unda bobomiz daraxtlar va atirgullarning shoxlarini kesadilar.

Tarbiyachi: – Qoyil, bolajonlar, endi esa hammimiz kim istasa bobosini, kim istasa buvisini maqtab, bittadan gap aytasizlar. Kimning maqtovi eng chiroyli bo‘lsa, o‘sha bola g‘olib sanaladi.

(Bolalar mening buvim mehribon, mening bobom aqlli, mening bobom kuchli, mening buvim zo‘r pazanda kabi gaplar bilan maqtaydilar, eng yaxshi maqtov aytgan ishtirokchi qarsaklar bilan olqishlanadi.)

BO'G'IN HAQIDA MA'LUMOT BERISH

Ta'limiy faoliyatning maqsadlari:

Ta'limiy: tarbiyalanuvchilarga predmetlarning nomi so'zlarda ifodalanishi ni, so'zlar yozma shaklda harflarda belgilanishini tushuntirish, so'zning qismla ya'ni bo'g'inlarga bo'linishini o'rgatish;

Tarbiyaviy: tarbiyalanuvchilarda jamoa bo'lib ishlash ko'nikmalarini shakl lantirish;

Rivojlantruvchi: og'zaki nutqni yozma nutqda ifodalash mumkinligini tushuntirish, so'zlar harflardan tashkil topishi va bo'g'inlarga bo'linishini o'rgatish, tarbiyalanuvchilarda ahillik, inoqlik xislatlarini tarkib toptirish, so'z boyligini o'stirish, fikrlash, xulosa chiqarishga o'rgatish.

Kerakli jihozlar: AKT, bo'g'inli kartochkalar.

Ta'limiy faoliyatning borishi:

Tarbiyachi: – Bolalar, bir esga oling-chi, tovush nima edi? Birgalikda eslab olamiz. Quloq eshitadigan har qanday ovoz tovush deyiladi. Qulog'imiz nimalarni eshitadi? Gapirganimizni, kuylaganimizni, qichqirganimizni, yomg'irning shivirlab yog'ishini, momaqaldoiroq gumburlab, chaqmoq chaqqanini, qushlarining sayrashini, hayvonlarning ovozini eshitadi. Mana shu eshitilgan ovozlar tovush deyiladi. Hozir men sen bilan "Ovozidan top" o'yinini o'ynayman. Bu juda qiziq o'yin.

(*Tarbiyachi "Ovozidan top" o'yinini tashkil etadi. Bola qaysi hayvonning ovozi ekanini farqlashi kerak. Tarbiyachi bolaga xo'roz, mushuk, echki, kuchuk o'yinchoqlarini ko'rsatadi va ular haqida so'zlab berishi hamda qanday ovoz chiqarishini mashq qildiradi. Masalan, tarbiyachi bolaga echki bolasini ko'rsatadi. Bu uloqcha. U kichkina, shoxi, qulog'i bor Uloqchaning dumi kalta. Uloqcha "Me-ye-ye, me-ye-ye" deb ovoz chiqaradi. Bolalar uloqchaning ma'rashiga taqlid qiladilar.*)

Tarbiyachi: – Buzoq qanday ma'raydi?

Bolalar: – "mu-u..." deb ma'raydi.

Tarbiyachi: – Barakalla, o'tgan mavzuni ham mustahkamlab oldik. Endi men sizlarga turli kartochkalar ko'rsataman, sizlar unda nimalar tasvirlanganini aytishingiz kerak.

(*Tarbiyachi kema, olma, daraxt, ruchka, daftar, stol, shkaf, deraza, anor, qo'g'irchoq kabi predmetlar rasmini ko'rsatadi, bolalar esa ularning nomini aytishadi.*)

Tarbiyachi: – Barakalla, suratlarning nomini to'g'ri topdingiz. Sizlar aytgan mana shu nomlar so'z deyiladi. Demak, har bir narsa-buyum nutqimizda so'zlarda ifodalanar ekan. Shuningdek, insonlar ismi va hayvonlar laqabi, joylar nomlari ham so'zlarda ifodalanadi. Masalan, biz yashayotgan poytaxt shahar nomi Toshkent deb nomlanadi. Qadimiylar bo'lgan Samarqandning nomi shunday ataladi. Minoralarga boy yurt Buxoroning nomi – Buxoro.

Nutqimizdagagi barcha so'zlar tovushlardan tashkil topadi, yozuvda esa hamma so'zlar harf va bo'g'indan tashkil topadi.

Keling, hozir men bo'g'inni alohida ajratib (masalan, chapak chalish yordamida) aytib ko'rsatadi.

Tarbiyachi: – Barakalla, har bir bo'g'inda bittadan unli tovush bo'ladi. Diqqat qiling, o-na so'zida ikkita unli harf bo'lgani uchun ham bu so'z ikki bo'g'indan tashkil topgan.

Endi har biringiz navbat bilan bitta so'z o'ylang va uni bo'g'inga ajratib aytинг.

(*Bolalarni amaliy jarayonda tarbiyachi yo'naltirib boradi.*)

Tarbiyachi: – Bolajonlar, men so'z aytaman, sizlar esa bu so'zlarni qanday aytayotganimni kuzatasiz. Ol-ma, non. Qaysi so'zni qismlarga bo'lib talaffuz qildim?

Bolalar: – Ol-ma so'zini.

Tarbiyachi: – Non so'zini-chi?

Bolalar: – Bu so'z qismlarga ajratilmadi.

Tarbiyachi: – So'zdagi har bir qism bo'g'in deb ataladi. Ol-ma so'zi necha qismdan iborat edi?

Bolalar: – Ikki qismdan iborat.

Tarbiyachi: – Aytib ko'r. Ol-ma. Olma so'zida nechta bo'g'in bor ekan?

Bolalar: – Olma so‘zida ikkita bo‘g‘in bor ekan.

Tarbiyachi: – Non so‘zida nechta qism bor?

Bolalar: – Bitta qism bor.

Tarbiyachi: – Shu qismni bo‘g‘in deb nomlaymiz. Non bir bo‘g‘inli so‘z.
Demak, so‘zlar nimalarga bo‘linadi?

Bolalar: – So‘zlar bo‘g‘inlarga bo‘linadi.

”O‘ylaganimni top!“ o‘yini

Maqsad: bolalarga so‘zni qismlarga bo‘lib talaffuz qilish bilan bo‘g‘in tu-shunchasini tushuntirish.

O‘yinning borishi:

Tarbiyachi: – Men ikki bo‘g‘inli mevaning nomini o‘yladim. Top-chi, qaysi mevaning nomini o‘ylagan ekanman?

Ol-cha, ol-ma, be-hi, an-jir.

Tarbiyachi: – Endi qaysi sabzavotning nomini o‘yladim?

Sab-zi, shol-g‘om, pi-yoz, kar-tosh-ka, pomidor.

Tarbiyachi: – Endi sizlar bilan bir o‘yin o‘ynaymiz, bunda men bir bo‘g‘in aytaman, sizlar shu bo‘g‘in ishtirokida so‘z tuzasiz.

Bo(bo), lo(la), ol(ma), bu(vi), li(mon), xur(mo), mak(tab), bog‘(cha), xo(la), bo(la), qo(vun), tar(vuz), mu(shuk), lay(lak), ko(sa), ta(roq), qa(lam), qo(g‘oz).

Bu so‘zlarning birinchi bo‘g‘inini tarbiyachi aytadi, bolalarga yordam sifatida pantomima harakatlari bilan ko‘rsatib turiladi.

Dam olish daqiqasi
Olma terdim ko‘pgina,
Hosili mo‘l, ko‘pgina,
Baland-balando shoxlardan,
Olay uzib ko‘pgina.

(*Matnga mos harakatlar bajariladi.*)

Tarbiyachi: – Bolajonlar, hozir sizlarga so‘zlardagi bo‘g‘inlarning sxemasini chizib ko‘rsataman. Qarang, so‘zda bitta bo‘g‘in bo‘lsa, bitta belgi bilan, agar ikkita yoki uchta bo‘g‘in bo‘lsa, shuncha belgi bilan belgilanadi.

(*Doskaga bo‘g‘inlar sxemasi chizib ko‘rsatiladi.*)

Tarbiyachi: – Bolajonlar, kelinglar, sizlarga bo‘g‘inlar haqida ertak aytib beraman.

Mundarija

Gap va nutq haqida ilk tushunchalar.....	3
So‘z bilan tanishish, so‘z qismlari haqida ma’lumot berish.....	6
Bo‘g‘in haqida ma’lumot berish.....	9
Tovush va harflarni o‘rganamiz.....	13
Unli va undosh harflar.....	16
”O“ tovushi va harfi.....	19
”O“ harfi didaktik o‘yinlari.....	22
”N“ tovushi va harfi.....	24
”N“ harfi didaktik o‘yinlari.....	27
”A“ tovushi va harfi.....	29
”A“ harfi didaktik o‘yinlari.....	32
”I“ tovushi va harfi.....	34
”I“ harfi didaktik o‘yinlari.....	38
”M“ tovushi va harfi.....	40
”M“ harfi didaktik o‘yinlari.....	43
”T“ tovushi va harfi.....	45
”T“ harfi didaktik o‘yinlari.....	48
”L“ tovushi va harfi.....	50
”L“ harfi didaktik o‘yinlari.....	53
”B“ tovushi va harfi.....	55
”B“ harfi didaktik o‘yinlari.....	58
”K“ tovushi va harfi.....	60
”K“ harfi didaktik o‘yinlari.....	63
”R“ tovushi va harfi.....	65
”R“ harfi didaktik o‘yinlari.....	68
”O“ tovushi va harfi.....	71
”O“ harfi didaktik o‘yinlari.....	74
”D“ tovushi va harfi.....	75
”D“ harfi didaktik o‘yinlari.....	78
”U“ tovushi va harfi.....	80
”U“ harfi didaktik o‘yinlari.....	83
”Y“ tovushi va harfi.....	85

”Y“ harfi didaktik o‘yinlari.....	88
”E“ tovushi va harfi.....	90
”E“ harfi didaktik o‘yinlari.....	93
”G“ tovushi va harfi.....	95
”G“ harfi didaktik o‘yinlari.....	97
”NG“ tovushi va harfi.....	99
”NG“ harfi didaktik o‘yinlari.....	102
”S“ tovushi va harfi.....	103
”S“ harfi didaktik o‘yinlari.....	106
”H“ tovushi va harfi.....	108
”H“ harfi didaktik o‘yinlari.....	110
”Sh“ tovushi va harfi.....	112
”Sh“ harfi didaktik o‘yinlari.....	115
”P“ tovushi va harfi.....	117
”P“ harfi didaktik o‘yinlari.....	120
”Q“ tovushi va harfi.....	122
”Q“ harfi didaktik o‘yinlari.....	125
”Ch“ tovushi va harfi.....	127
”Ch“ harfi didaktik o‘yinlari.....	130
”J“ tovushi va harfi.....	132
”J“ harfi didaktik o‘yinlari.....	135
”G“ tovushi va harfi.....	136
”G“ harfi didaktik o‘yinlari.....	138
”Z“ tovushi va harfi.....	140
”Z“ harfi didaktik o‘yinlari.....	143
”V“ tovushi va harfi.....	145
”V“ harfi didaktik o‘yinlari.....	147
”X“ tovushi va harfi.....	148
”X“ harfi didaktik o‘yinlari.....	151
”F“ tovushi va harfi.....	152
”F“ harfi didaktik o‘yinlari.....	154
*** tutuq belgisi.....	156
Tutuq belgisi *** didaktik o‘yinlari.....	158
Bo‘g‘inlab o‘qiymiz.....	162

*Zokirjon Admin bilan
+99891-328-88-38 nomerga murojaat
qilishingiz @jek567 izlab telegramga
yozishingiz yoki shu nomerdagi telegram
orqali bog‘lanishingiz so‘raladi.*

*Telegramda murojaatingizga o‘z vaqtida javob
beriladi*

*178 listdan iborat Savodga o‘rgatish
tarbiyachi kitobini to‘liq holda olish uchun
telegramdan yozing.*



Narxi: 15 ming so‘m

Telegram kanalimiz:

@maktabgacha_tt

To‘lov uchun: UZCARD *880*8600020164858693*summa#
Nabiiev Zokirjon plastik egasi



DIQQAT!!!

Sizga buni **omonat** qilib beramiz.

To‘liq holda olganingizdan so‘ng:

Faqat o‘zingiz uchun foydalaning.

Hech kimga bermang hattoki eng

yaqin insoningizga ham

Kanal va gruppalarga tarqatmang.

Omonatga hiyonat qilmang